

حالة أخوك حسين تصعب عليّ
حاير بليّاً أمعين بالغاظريه
إرفع لواقك وثور يا عزي المذخور بالغاظريه

ذبل ساح الجفن والدمعه ما جفت بخيال الهم - يخويه - والألم هلت
أخاوي الليل وحتى نجومه تعرفني إذا طليت كالوا ام الحزن طلت
هاي اللي الوجد تارس عبايتها ما فترت ولا كلت ولا ملت
بحر من خوف موجاته تبلاني وكل صفة ألم للشايطي ما ردت

جيتك يعطر الروح دمعي دما مسفوح بالغاظرية

تخون الدمعه صبري ويا عظم دمعي وأحس موج الألم يتمايل بضلعي
وكل دمعة تبشرني بوجد نازف تطوف اعلى النواظر صورته وتسعي
كسرني هالحزن والروح مصدوعه ولا غيرك يخويه الجبر بصدعي
أحس الناييه كدّامي تتجسد وأحس الناعي بحروف الشجي ينعي

يا خويه طمني متروعه بحزني بالغاظرية

لفيت وببيدي رايه من زمن حيدر نبت فيها غصن من جنة الكوثر
نفسها من شذى عزمه وبطولاته وعليها تشهد (الأحزاب) وي (خيبر)
رايه ومن خيوط النور منسوجه أو آيه بمصحف الأحرار تنتسطر
إذا دارت تدور افلاك هالدنيا وإذا مالت قطب هالكون يتغير

وكل شوغي يا عباس أنظرها فوگ الراس بالغاظرية

رايه من الجلاله وإسمه الأعظم بخرُوف الحكمه والإيمان تتجسم
إذا ألگهاها في الحومه تمني وتفرحني إذا لاحت بلخميم
مثل شمس الأمل تضوي بمعانيها وتحس چنه (ربيع) يياهي (بمحرم)
ترفرف بالوفا وتزهي ملامحها ويرف وياها كلبى وينجلي كل هم

من حيدر الكرار بيها تلوح اسرار بالغاظرية

على حدود الفرات وضفته ومايه
إذا تركزها يا عباس بالشطاوي
وإذا تحملها چفينك ييو فاضل
أخاف تگول أبالغ يا عدیل الروح
ترتل من سور عزتتا چم آيه
خيالي يتجه صوب المسنايه
أحس فيها البدايه ومنها لنهايه
يليتك تسمع التاريخ ولروايه

مثل الصلا والصوم تعرفها هاي الگوم بالغازرية

أمر هالراية ما بين القلم واللوح
على صفحة قدر من عالم التكوين
وصارت للفدا والتضحية مقياس
إذا ترفرف - يخويه - تخطف الأنفاس
أوتبيان الفضيله واضح ومشروح
وكل سطر انكتب فيها بدما وجروح
وعلامه للكرامه من تهب وتلوح
وفي كل رفه العطر باسم الشهامه يفوح

بالهيبه والإجلال تلگاها ياسردال بالغازرية

ويا خويه العطش وسط الفؤاد يמיד
طلبنا الماي ونترجاه يلفينا
يبس حلق الطفل من غابت النظرات
سراب وغيمة الأمال تروينا
ما اطيّل العتب بشفافي لا ما ازيد
ونحارس جيته جنه هلال العيد
صار الماي حلم وبالمنال بعيد
ولا غيرك رجي يا سورة التوحيد

من غيرك بهالناس يروينا يا عباس بالغازرية

أخوك حسين وحاله يكسر خاطر
يعباس إرفع الرايه وشد عالگوم
منو غيرك إلى هاي الشدد مذخور
أودعك يا عزيزي والگلب چانون
وحيد وما بگی عنده ولا ناصر
وخل سيفك يواسي گلبه الصابر
يصول وعزمه يشبه شفرة الباتر
وبوداعك يظل جمر الحزن ساعر

انصر أبو السجاد خل الأمل ينعاد بالغازرية
